

七十二家集

張散騎集目錄

卷之一

賦

山賦

石賦

衰桃賦

樂府

釣竿篇

度關山

張敬詩集

目錄

晨鷄高樹鳴

採桑

艷歌行

從軍行

三婦艷詩

置酒高殿上

門有車馬客行

白頭吟

怨詩

應龍篇

輕簿篇

帝王所居篇

朱鷺

上之回

戰城南

君馬黃二首

芳樹

有所思

雉子斑

臨高臺

隴頭水二首

折楊柳

關山月

洛陽道

梅花落

紫騮馬

雨雪曲

劉生

公無渡河

對酒

銅雀臺

長安有狹斜行

飲馬長城窟行

泛舟橫大江

煌煌京洛行

明君詞

神仙篇

又

前有一樽酒行

卷之二

詩

御幸樂遊苑侍宴

重陽殿成金石會竟上詩

征虜亭送新安王應令

從籍田應衡陽王教作

從永陽王遊虎丘山

陪衡陽王遊耆闍寺

與錢玄智汎舟

遊匡山簡寂館

和諸葛覽從軍游獵

山家閨怨

和陽侯送袁金紫葬

傷帝侍讀

後湖泛舟

遊龍首城

別肅諒賦得江湖汎別舟

星名從軍詩

賦得韓信

行經季子廟

賦得落落窮巷士

賦得日中市朝滿

賦得題新雲

賦得白雲臨酒

詠雪應衡陽王教

賦得雪映夜舟

薄帷鑒明月

玄圃觀春雪

秋河曙耿耿

浦狹村煙度

和衡陽王秋夜

賦得山封名

初春賦得池應教

新集
賦得垂柳映斜谿

賦得岸花臨水發

賦得風生翠竹裏應教

賦得山中翠竹

賦得梅林輕雨應教

賦新題得蘭生野徑

賦得威鳳棲梧

賦得魚躍水花生

賦新題得寒樹晚蟬疎

賦得秋蟬鳴柳應衡陽王教

秋日別庾正員

賦得佳期竟不歸

賦得堦前嫩竹

啓

謝賜錢啓

附錄

張正見傳

唐姚思廉

遺事

明倫彙編

目錄

文

集評

張散騎集卷之一

陳清河張正見見贖著

明閩漳張爰紹和纂

賦

山賦

何神山之峻美諒苞結之所成東垂曰泰南服
稱衡西戎所擅北狄標名於是堯值洪流滔天
襄陵禹敷水土奠高刊木衆川既導群嶽自修
潛通四瀆鎮壓九州森羅辰象吐吸雲霧深不

可測遠不可步於廊靈山長爲作固爾其爲狀
也則武當太和武功太白崑崙五門扶寧三石
峯高一萬峭峙三百登而眺之則千里無極俯
而臨之則萬仞難測睽白鶴而同高混青天而
共色

石賦

連山蔽虧巨石欽崎上興雲而蔚蒼下激水而
推移舒丹霞於九折混白露於三危鎮方城於
濮水固天關於湯池開五嶽之靈圖集九老之
仙都韜神弓於射的產利劍於昆吾魚躍湘鄉
之水鴈浮平固之湖墮山鵲之金印碎驪龍之
寶珠奄鵲披衣氤氲翠微精衛取而填海天孫
用以支機隨西王而不落傍東武而俱飛

衰桃賦

巖巖秀峰吐桂榮松獨夭桃之灼灼輕擢采於
寒蹤爾乃萬株成錦千林似翼苔畫波文花然
樹色發秦源而逸氣飄漢綬而流芳譬蘭缸之
夜炷似明鏡之朝妝成蹊列逕光崖豔汜間真
定之蒼梨雜房陵之縹李紛芳難歇照耀無儔
舒若霞光欲起散似電采將收既而風落新枝
霜飛故葉歎垂釣之妖童怨傾城之麗妾

樂府

釣竿篇

以下五言

結宇長江側
垂釣巖川濤
竹竿橫翡翠
桂髓擲黃金
人來水鳥沒
楓度岸花沉
蓮搖見魚近
綸盡覺潭深
涓水終湏卜
滄浪徒自吟
空嗟芳餌下
獨見有貪心

度關山

關山度曉月
劍客遠從征
雲中出迥陣
天外落奇兵
輪摧偃去節
樹倒礙懸旌
沙揚折坂暗
雲

積榆溪明馬倦時銜草人疲屢看城寒隴胡笳
漉空林漢鼓鳴還聽鳴咽水併切斷腸聲

晨鷄高樹鳴

阮籍詠懷詩曰晨鷄
鳴高樹命駕起旋歸

晨鷄振翮鳴出迥擅奇聲蜀郡隨金馬天津應

玉衡摧冠驗遠石繫火出連營用江爭棲斜揭

暮解翼橫飛度試飲淮南藥翻上仙都樹枝低

且候潮葉淺還承露承露觸嚴霜葉淺伺朝陽

猜羣祛寶劒勇戰出花場當損黃金距誰論白

玉璫長鳴逢晉帝恃氣遇周王流名說魯國分
影入陳倉不復愁苻朗猶能感孟嘗

採桑

春樓贈鳥驚蠶妾候初晴迎風金珥落向日玉
釵明徙顧移籠影攀鈎動釧聲葉高知手弱枝
軟覺身輕人多羞借問年少怯逢迎恐疑夫婿
遠聊復答專城

艷歌行

城隅上朝日斜暉照杏梁併捲茱萸帳爭移翡

翠牀縈環聊向牖拂鏡且調妝裁金作小靨散
麝起微黃二八秦樓婦三十侍中卽執戟超丹
地豐貂入建章未安文史閣獨結少年場彎弧
貫葉一作影學劒動星芒翠蓋飛城曲金鞍橫
道傍調鷹向新市彈雀往睢陽行行稍有極暮
幕歸蘭房前瞻富羅綺左顧足鴛鴦蓮舒千葉
氣燈吐百枝光滿酌胡姬酒多燒荀令香不學
幽閨妾生離怨採桑

從軍行

胡兵屯薊北漢將起山西故人輕百戰聊欲定
三齊風前噴畫角雲上舞飛梯鴈塞秋聲遠龍
沙雲路迷燕然自可勒函谷詎須泥

三婦艷詩

大婦織殘絲中婦妬蛾眉小婦獨無事歌罷詠
新詩上客何須起爲待絕纓時

置酒高殿上

曹子建樂府引曰置酒
高殿上親友從我遊

陳王開甲第粉壁麗椒塗高牕侍玉女飛闥敞

金鋪名香散綺幕石硯雕金鑪清醪稱玉饋浮
蟻擅蒼梧鄒嚴恒接武申白日相趨容與升階
玉差池曳履珠千金一巧笑百萬兩鬟姝趙姬
未鼓瑟齊客罷吹竽歌喧桃與李琴挑鳳將雛
魏君慙舉白晉主媿投壺風雲更代序人事有
榮枯長卿病消渴壁立還成都

門有車馬客行

飛觀霞光啓重門平旦開北闕高箱過東方連
騎來紅塵楊翠轂赭汗染龍媒桃花夾徑聚流

水傍池回揮鞭聊接電
捐軫暫停雷非關萬里
客自有六奇才琴和朝雉
操酒泛夜光杯舞袖
飄金谷歌聲遶鳳臺
良時不可再騶馭鬱相催
安知太行道失路車輪摧

白頭吟

平生懷直道松桂比真風
語默妍媸際沉浮毀
譽中讒新恩易盡情去寵難終
彈珠金市側抵
王春一作崑山東含香老顏駟執戟異楊雄
惆悵
崔亭伯幽憂馮敬通
王嬙沒胡塞班女棄深宮

春苔封履跡秋葉奪妝紅
顏如花落槿鬢似雪
飄蓬此時積長歎傷年誰復同

情詩

新豐妖冶地遊俠競嬌奢
池臺間羅綺桃李襍
煙霞蓋影分連騎衣香
合並車艷粉驚飛蝶紅
妝映落花舞衫飄冶袖歌
扇掩團紗玉牀珠帳
卷金樓鏡月斜還疑蕭史鳳不及季倫家

應龍篇

應龍未起時乃在淵底藏
非雲足不蹈舉則冲

天翔譬彼野蘭草幽居常獨香清風播四遠萬
望望芬芳隱居可願志自見焉得彰

輕簿篇

洛陽美年少朝日正開霞細蹠連錢馬傍趨
昔藉花揚鞭還却望春色滿東家井桃映水落
門柳雜風斜綿蠻弄清綺蛺蝶遶承華欲往飛
簾館遙駐季倫車石榴傳瑪瑙蘭肴奠象牙聊
持自娛樂未是闔豪奢莫嫌龍馭晚扶桑復浴
鵲

帝王所居篇

嶠函惟帝宅宛維壯皇居紫微臨複道丹水亘
通渠沉沉飛雨殿藹藹承明廬兩宮分紫日雙
闕並凌虛休氣克青瑣榮光入綺䟽霞明仁壽
鏡日照陵雲書鳴鸞背鳩鵲詔蹕幸儲胥長楊
飛玉輦御宿徙金輿柳葉飄緹騎槐花影屬車
薄暮歸平樂歌鐘滿王除

朱鷺

金堤有朱鷺刷羽望滄瀛周詩振雅曲漢鼓發
奇聲時將赤鴈並乍逐彩鸞行別有翻潮處異

色不相驚

上之回

林光稱避暑
園中乃吉行
龍媒躡影駛
玉輦御雲輕
風鳥繞鳩鵲
綵鷁照昆明
欲知鐘箭遠
遙聽寶鷄聲

戰城南

薊北馳胡騎
城南接短兵
雲屯兩陣合
劍聚七星明
旗交無復影
角憤有餘聲
戰罷披軍策
還嗟李少卿

君馬黃二首

幽并重騎射征馬正盤桓風去嘶聲遠冰堅度
足寒出關聊變色上坂屢停鞍卽令隨御史非
復在樓蘭

五色乘馬黃追風時滅沒血汗染龍花胡鞍抱
秋月唯騰渥洼水不飲長城窟詎待燕昭王千
金市駿骨

芳樹

奇樹舒春苑流芳入綺錢合歡分四照同心影

萬年香浮佳氣裏葉映彩雲前欲識楊雄賦金
王滿耳泉

有所思

深閨久離別積怨轉生愁徒思裂帛鴈空上望
歸樓看花憶塞草對月想邊秋相思日日度玉臺
暮作淚臉年年流

雉子斑

陳倉雉未飛歛翮依芳甸朱冠色尚淺錦臆毛
初變雉麥且專場排花聊勇戰唯當渡弱水不

怯如臯箭

臨高臺

層臺邈清漢出迥架重甍飛棟臨黃鶴高牕度
白雲風前朱幌一作幔色霞處綺疏分此中多怨
曲地遠詎能聞

隴頭水二首

隴頭鳴四注征人逐貳師羌笛含流咽胡笳襍
水悲湍高飛轉駛澗淺蕩還遲前旌去不見上
路杳無期

隴頭流水急流急行難渡遠入隄囂營傍侵酒
泉路心交賜寶刀小婦成紉袴欲知別家久戎
衣今已故

折楊柳

楊柳半垂空裊裊上春中枝疎董澤箭葉碎楚
臣弓色映長河水花飛高樹風莫言限宮掖不
閉長楊宮

關山月

巖間度月華流彩映山斜暈逐連城壁輪隨出

塞車唐莫遙合影秦桂遠分花欲驗盈虛理一作
駛方知道路賒

洛陽道

曾城啓旦扉上洛滿春暉柳影緣溝合槐花夾
岸飛蘇合彈珠罷黃間負翳歸紅塵暮不息相
看連騎稀

梅花落

芳樹映雪一作雲野發早覺寒侵落遠香風急飛
多花逕深周人歎初標魏帝指前林邊城少灌

木折此自悲吟

紫騮馬

將軍入大宛善馬出從戎影絕乾河上聲流入
一作冰窟中似鹿猶依草如龍欲向空湏還十萬
里試爲一追風

雨雪曲

胡關辛苦地雪路遠漫漫含冰踏馬足襍雨凍
旗竿沙漠飛恒暗天山積轉寒無因辭日逐團
扇掩齊紈

劉生

劉生絕名價豪俠恣遊陪金門四姓聚繡轂

一作

簫鼓

五香

一作候

來塵飛瑪瑙勒酒映車渠杯別有

追遊夜秋牕向月開

公無渡河

金堤分錦纜白馬渡蓮舟風嚴歌響絕浪湧榜人愁
擢折桃花水颿橫竹箭流何言沈璧處千載偶陽侯

對酒

當歌對玉酒匡坐酌金罍竹葉三清泛蒲萄實
味開風移蘭氣入月逐桂香來獨有劉惔忘
情寄羽杯

銅雀臺

淒涼銅雀晚搔落暮田通雲慘當歌日松吟欲
舞風人疏瑤席冷曲罷總帷空可惜年將淚俱
盡望林中

長安有狹斜行

少年重遊俠長安有狹斜路窄時容馬枝高易

度山簷高同落照巷小共飛花相逢夾繡轂借
問是誰家

飲馬長城窟行

秋草朔風驚飲馬出長城羣驚還怯飲地險更
宜行傷冰斂凍足畏冷急寒聲無因度吳坂方
復入羗城

泛舟橫大江

魏文帝飲馬長城窟行曰
泛舟橫大江討彼犯荆虜

大江修且濶揚舲度迴磯波中畫鷁涌帆上錦

花飛舟移歷浦月
權舉濕春衣
王孫定若遠
詎待送將歸

煌煌京洛行

千門嚴西漢
萬戶擅東京
凌雲霞上起
鳩鵲月中生
風塵暮不息
簫管夜恒鳴
唯當賣藥處
不入長安城

明君詞

寒樹暗胡塵
霜樓明漢月
淚染上春衣
憂變華年髮

神仙篇

標言

瀛洲分渤海閼苑隔虹蜺欲識三山路須尋十
仞溪石梁雲外立蓬丘霧裏迷年深毀丹竈學
久棄青泥葛水留還杖天衢鳴去鷄六龍驤首
起雲閣萬里一別何寥廓玄都府內駕青牛紫
蓋山中乘白鶴潯陽杏花終難朽武陵桃花未
曾落已見玉女笑投壺復覩仙童欣六博同甘
王文棗俱飲流霞藥鸞歌鳳舞集天台金闕銀
宮相向開西王已令青鳥去東海還馭赤虬來

魏武還車逢漢女荆王因夢識陽臺鳳蓋隨塵
聊蔽日霓裳雜雨復乘雷神嶽吹笙搖謝手當
知福地有神才

又

見文苑英華樂府作
沈約題云樂未央

億舜日萬堯年詠湛露歌采蓮願裸百和氣宛
轉金爐前

前有一樽酒行

前有一樽酒主人行壽今日合來坐者當令皆
富且壽欲令主人三萬歲終歲不知老爲吏當

高遷買市得萬倍桑蠶當大得主人宜子孫

張散騎集卷之二

陳清河張正見見顧著

明閔漳張燮紹和纂

詩

御幸樂遊苑侍宴

以下
五言

大君臨四表榮光普八埏區中文化洽海外武功宣鳳下書冊篆龜符著綠編昆明不習戰雲夢豈遊畎軌文通萬國旌節靖三邊高秋藐始射睿想屬汾川兩宮明合璧雙開帶非煙揚鑒

出城觀詔蹕指郊壩禁苑迴雕輦離宮建翠旂
流水奔雷轂追風赴電鞭畫熊飄析羽金埒響
膠弦鳴玉升文砌稱觴溢綺筵獸舞依鐘石鸞
歌應管弦霞明黃鵠路風爽白雲天潦收荷蓋
折露重菊花鮮上林賓早鴈長楊唱晚蟬小臣
慚藝業擊壤慕懷鉛康衢飛駛羽大海滴微涓
詠歌還集木舞蹈遂臨泉願薦南山壽明明奉
萬年

重陽殿成金石會竟上詩

周王興路寢漢后成甘泉共知崇壯麗迢遞舉
雲連抗殿䟽龍首峻陛激天泉東西跨函谷左
右屬伊瀍百常飛觀竦三休複道懸拱烏遙造
日擗虬遠架煙雲棟疑飛雨風牕似望僊王女
臨芳鏡金璫映彩椽梅梁橫綵藥藻井倒披蓮
雲一作榮光開御宿佳氣屬祈年霜鴈排空斷寒
花映日鮮負宸憑霄極台司列象躔登臺誼大
厦御氣響鈞天北斗承三獻南風入五絃鸞歌
鳩鵲右獸舞射熊前翔鵬仰不逮燕雀徒聯翩

征虜亭送新安王應令

鳳吹臨南浦神駕餞東平
亭廻漳水乘旆轉洛
濱笙地凍班輪響風嚴羽蓋輕
燒田雲色暗古
樹雪花明岐路一廻首流襟動
睿情

從籍田應衡陽王教作

五章

帝京惟赤縣神居應紫微
塗山萬國仰滄海百
川歸東郊事平秩仲月祀靈威
含光開早扇閭闔啓朝扉

洛城鐘漏息靈臺雲霧卷
森森虎戟前藹藹

旂轉屬車遊絳闕風鳥度丹巘帳殿幸金輿旌
門擁玉輦

玉輦帶非煙金輿映綠川雨師清遠路風伯靜
遙天分渠通沃野激水入公田草發律祖作青

堙外花飛蒼王前

蒼王臨珪壁青堙躬帝籍冒櫛乃三推齊衡均
百辟蘭場儼芝駕桂圃芳瑤席山禽韻管絃野
獸和鐘石

鐘石既相和江海復無波梁客簪裾盛陳王文

雅多修途參弱駘喬木間輕蘿幸承濫吹末擊壤自爲歌

從永陽王遊虎丘山

滄波壯鬱島洛邑鎮崇芒未若茲山麗岩崑擅水鄉地靈侔少室塗艱象太行重巖標虎據九曲峻羊腸溜深澗無底風幽谷自涼寶沈餘玉氣劒隱絕星光白雲多異影丹桂有藂香遠看銀臺竦洞塔耀山莊瑞草生金地天花照石梁

陪衡陽王遊耆闍寺

甘棠聽訟罷福宇試登臨
兔苑移飛蓋王城列
玳簪階荒猶累玉地古尚填金
龍橋丹桂偃鸞
嶺白雲深秋牕被旅葛戛戶響
山禽清風吹麥
隴細雨濯梅林

與錢玄智汎舟

高門事休沐朝夜恣逢迎還乘

尋

一作金谷水俱

望洛陽城舟移津女渡楫動渭橋橫
風高鴈已
落雨霽水還清
葉盡桐門淨
花秋菊岸明
欲奏

江南曲
聊習棹歌行

遊匡山簡寂館

三梁礪本絕千仞路猶通卽此神山內銀榜映
仙宮鏡似臨峯月流如飲澗虹幽桂無斜影深
松有勁風惟當遠人望知在白雲中

和諸葛覽從軍游獵

治兵耀武節縱獵駭畿封迅騎馳千里高且起
百重騰麋斃馬足饑鼯落劒鋒雲根飛燒火鳥
道絕禽蹤方羅四海俊聊以習軍戎

山家閨怨

王孫春好遊雲鬢不勝愁離鴻暫罷曲別路已
經秋山中桂花晚勿爲俗人留

和陽

一作楊

侯送袁金紫葬

玄泉開隧道白日照佳城一朝嗟此路千載幾
傷情秋氣悲松色淒風咽挽聲歸雲向谷晚還
柳背山輕唯當三五夜攏月暫時明

傷韋侍讀

懷經傳北海蘊義盛西河高峰落廻照逝水沒
驚波柳下悲風急山陽秋氣多宿草摧書帶寒

松脆女蘿無復華陰市空餘蒿里歌

後湖泛舟

上苑奢行樂滄池聊薄遊
汎荷分蘭耀沈槎觸桂舟
殘虹收度雨缺岸上新流
欲知有高趣長楊送麥秋

遊龍首城

關外山川濶城隅塵霧浮
白雲凝絕嶺滄波闊斷洲
四面觀長薄千里眺平丘
河津無桂樹樽酒自淹留

別韋諒賦得江湖汎別舟

千里潯陽岸三翼木蘭船
鷓鴣汎青鳥後鷄鳴白鷺
前涵花沒淺纜帶葉動深
船不言朝夕水獨自限神仙

星名從軍詩

樂府作從軍行

將軍定朔邊刁斗出祁連
高柳橫遙塞長榆接遠天
井泉含凍竭烽火照山燃
欲知客心斷危旌萬里懸

賦得韓信

淮陰總漢兵燕齊擅遠聲
沉沙擁急水拔幟上危城
野有千金報朝稱三傑名
所悲雲夢澤空傷狡兔情

行經季子廟

延州高讓遠傳芳世祀移地絕遺金
路松悲懸劒枝野藤侵沸井山雨濕苔碑
別有觀風處樂奏無人知

賦得落落窮巷士

左思詠史詩落落窮巷士
抱影守空廬

楊雲不邀名原憲本遺榮草長三徑合花發四
隣明塵隨幽巷靜嘯逐遠風清門外無車轍自
可絕公卿

賦得日中市朝滿

鮑照結客少年場行日
中市朝滿車馬喧川流

雲閣綺霞生旗亭麗日明塵非三市路蓋入九
重城竹葉當壚初學作杯滿桃花帶綬輕唯見爭名
利安知大隱情

賦得題新雲

西北春雲起遙臨偃蓋松根危纔吐葉氣淺未
成峯風前飛未斷日處影疑重體輕無五色詎
是得從龍

賦得白雲臨酒

白雲蓋濡水流彩入澠川疎葉臨嵇竹輕鱗入
鄭船菊泛金枝下峯斷玉山前一朝開五色飄
飄映十千

詠雪應衡陽王教

九冬飄遠雪六出表豐年睢陽生玉樹雪盡起

瓊田入牕輕落粉拂柳駛飛綿欲動淮南賦亂
下桂花前

賦得雪映夜舟

黃雲迷鳥路白雪下鳬舟分沙映冰浦照鶴聚
寒流櫓風吹影落纜錦雜花浮船梁若是桂翻
如月照秋

薄帷鑒明月

阮籍詩懷詩薄帷鑒
明月清風吹我衿

長河上桂月澄彩照高樓分簾疑碎壁隔幔似

垂鈎牕外光恒滿
帷中影暫流
豈及西園夜長
隨飛蓋遊

玄圃觀春雪

同雲遙映嶺
瑞雪近浮空
拂鶴伊川上
飄花桂苑中
影麗重輪月
飛隨團扇風
還取長歌處
帶曲舞春風

秋河曙耿耿

謝朓詩秋河曙耿耿
耿耿渚清曙蒼蒼

耿耿長河曙
濫濫宿雲浮
天路橫秋水
星衡

一作

轉夜流月下姮娥落風驚織女秋德星猶可
見仙槎不復留

浦狹村煙度

梁簡文龍丘引浦狹
村煙度洲長歸鳥息

茅蘭夾兩岸野燎燭中川村長合夜影水狹度
浮煙收光暗鳥弋分火照漁船山人不炊桂樵
華幸共然

和衡陽王秋夜

雖苑涼風舉章臺雲氣收螢光連燭動月影帶

河流綠綺朱絃汎黃花素蟻浮高軒揚麗藻卽
是賦新秋

賦得山卦名

蓬萊遯羽客巖穴轉蒙籠雲歸仙井暗霧解石
橋通影帶臨峯鶴形隨襍雨風尋師不失路咸
欲馭飛鴻

初春賦得池應教

遙天收密雨高閣映奔曦雪盡青山路冰銷綠
水池春光落雲葉花影發晴枝琴樽奉終宴風

月豈云疲

賦得垂柳映斜谿

千仞清溪險三陽弱柳垂葉細臨湍合根空帶
石危風翻夾浦絮雨濯倚流枝不分梅花落還

同橫笛

一作吹
笛裏

賦得岸花臨水發

何遜贈諸遊舊詩岸花
臨水發江燕遶櫓飛

奇樹滿春洲落蘂映江浮影間蓮花石光涵濯
錦流漾色隨桃水飄香入桂舟別有仙潭菊含

芳獨向秋

賦得風生翠竹裏應教

金風起燕觀翠竹夾梁池
翻花疑鳳下颺水似龍移
帶露依深葉飄寒入勁枝
聊因萬籟響詎待伶倫吹

賦得山中翠竹

修竹映巖垂來風異夾池
複澗藏高節重林隱勁枝
雲生龍未上花落鳳將移
莫言棲嶰谷伶倫不復吹

賦得梅林輕雨應教

梅樹耿長虹芳林散輕雨蜀郡隨仙去陽臺帶
雲聚飄花更濯枝潤石還侵柱詎得零陵燕隨
風時共舞

賦新題得蘭生野徑

披襟出蘭畹命酌動幽心鋤罷還開路歌喧自
動琴華燈共影落芳杜襍花深莫言閒逕裏遂
不斷黃金

賦得威鳳棲梧

初學云賦得
棲梧桐威鳳

丹山下威鳳來集帝梧中欲舞春花落將飛秋
葉空影照龍門水聲入洞庭風別有將雛曲翻
更合絲桐

賦得魚躍水花生

漾色桃花水相望濯錦流躍浦疑珠出依池似
鏡浮淩波銜落蕊觸餌避沉鈎方遊蓮葉外詎
入武王舟

賦新題得寒樹晚蟬踈

寒蟬噪楊柳朔吹犯梧桐葉迴飛難住枝殘影

其空聲疎飲露後唱絕斷絃中還因搖落廢徽
寔盡秋風

賦得秋蟬咽柳應衡陽王教

秋鴈寫

氣爽一作爽

遙天園柳集驚蟬競噪長枝裏爭

飛落木前風高知響急樹近覺聲連長楊流唱
盡詎識蔡邕絃

秋日別庾正員

英華作徐陵

征途愁轉旆連騎慘停鑣朔氣凌疎木江風送
上潮青雀離帆遠朱鳶別路遙唯有當秋月夜

夜上河橋

賦得佳期竟不歸

七言

庾肩吾有所思曰佳期
竟不歸春物坐芳菲

良人萬里向河源
娼婦三秋思柳園
路遠寄詩空織錦
宵長夢返欲驚魂
飛蛾屢繞帷前燭
衰草還侵階上玉
銜啼拂鏡不成粧
促柱繁絃還亂曲
時分王臺後集
作特忿年移竟不歸
偏憎寒急夜縫衣
流螢映月明空帳
踈葉從風入斷機
自對孤鸞向影絕
終無一鴈帶書回

賦得堦前嫩竹

翠竹梢雲自結叢
輕花嫩筍欲凌空
砌曲橫枝
屢解籜階前
踈葉強來風
欲知拖節成龍處
當於山路葛陂中

啓

謝賜錢啓

豈期疲癯壁立猥蒙殊賜名稱榆莢非投飲馬
之橋價重圓泉寧棄呪鷄之野暫移周府纔經
漢鑄始降王門忽光私室青鳬委質笑夷甫之
不言赤仄垂緡重河間之能數

附錄

張正見傳

唐姚思廉

張正見字見贖清河東武城人也祖蓋之魏散
騎常侍勃海長樂二郡太守父修禮魏散騎侍
郎歸梁仍拜本職遷懷方太守正見幼好學有
清才梁簡文在東宮正見年十三獻頌簡文深
贊賞之簡文雅尚學業每自昇座說經正見嘗
預講筵請決疑義吐納和順進退詳雅四座咸
屬目焉太清初射策高第除邵陵王國左常侍

梁元帝立拜通直散騎侍郎遷彭澤令屬梁季
喪亂避地於匡谷山時焦僧度擁衆自保遣使
請交正見懼之遜辭延納然以禮法自持僧度
亦雅相敬憚高祖受禪詔正見還都除鎮東鄱
陽王府墨曹行參軍兼衡陽王府長史歷宜都
王限外記室撰史著士帶尋陽郡丞累遷尚書
度支郎通直散騎侍郎著士如故太建中卒時
年四十九有集十四卷其五言詩尤善大行於
世

遺事

侯安都招聚文武之士或府馭馳騁或命以詩

賦文士張正見等武士蕭舉等並為賓客

陳書

侯安都傳

徐伯陽張正見等為文會友皆一時名士也遊宴賦詩動成卷軸伯陽為其集序盛傳于世

南史

集評

張正見之作如春幡綵勝金翠熠燿聯以珠璣

緯繡纖麗翦截鋪綴似非丈夫所爲

竹林詩評

蕪味道詩星橋鎖鎖開本陳張正見詩天路橫

秋水星橋轉夜流之句

丹鉛餘錄

張正見詩律法已嚴於四傑特作一二拗語爲

六朝耳

藝苑卮言

張正見詩華藻不下徐陵江總聲骨雄整乃過之唐律實濫觴此而資望不甚表表嚴氏謂其

雖多亦奚以爲得無以名取人乎

詩駁